

ისტორიის ტექსტური დავალებების ნიმუშები მოიცავს იმ საკითხებს, რომლებიც შეესაბამება 2013-2014 წლების სკოლის გამოსაშვები გამოცდების პროგრამას. აღნიშნული პროგრამა ეფუძნება ეროვნულ სასწავლო გეგმას. გამოცდაზე შემოწმდება როგორც ფაქტობრივი ცოდნა, ასევე მოვლენათა დამახასიათებელი ნიშნებისა და მიზეზ-შედეგობრივი კავშირების დადგენის უნარი.

გთავაზობთ დავალებების რამდენიმე ნიმუშს:

**1. რომელი კულტურა არსებობდა საქართველოს ტერიტორიაზე ადრე ბრინჯაოს ხანაში?**

- ა. მტკვარ-არაქსის;
- ბ. თრიალეთის;
- გ. კოლხური;
- დ. ყორღანული.

**2. ვის ეკუთვნის ცნობა ქართლის სამეფოს მოსახლეობის სოციალური შემადგენლობის შესახებ?**

- ა. ჰეროდოტეს;
- ბ. პოლიბიოსს;
- გ. თუკიდიდეს;
- დ. სტრაბონს.

**3. რას ისახავდა მიზნად რომის სენატის მიერ აღმოსავლეთში გამოგზავნილი პომპეუსი?**

- ა. ჩრდილოეთ კავკასიიდან შემოჭრილი მომთაბარეების განდევნას;
- ბ. პართიის სამეფოსა და მისი მოკავშირეების განადგურებას;
- გ. პონტოს სამეფოსა და მისი მოკავშირეების დამარცხებას;
- დ. აჯანყებული ქართლის, ალბანეთისა და სომხეთის დამორჩილებას.

**4. რა ეწოდებოდა არაბთა მიერ საქართველოში დანიშნულ მოხელეს?**

- ა. პიტიახში;
- ბ. მარზპანი;
- გ. ვალი;
- დ. ამირა.

**5. რომელი ქართული სამეფო-სამთავროს მმართველი ატარებდა ქორეპისკოპოსის ტიტულს?**

- ა. აფხაზეთის;
- ბ. კახეთის;
- გ. ტაო-კლარჯეთის;
- დ. ჰერეთის.

**6. რომელი ბრძოლის შესახებ გვაწვდის ინფორმაციას მათე ურჰაეცი?**

- ა. ერწუხის;
- ბ. ბასიანის;
- გ. შამქორის;
- დ. დიდგორის.

**7. სხვა მიზეზებთან ერთად, რამ განაპირობა ჯვაროსნული ლაშქრობების დაწყება?**

- ა. ბიზანტიის იმპერიის განადგურებამ;
- ბ. ასწლიანი ომის დამთავრებამ;
- გ. დიდმა გეოგრაფიულმა აღმოჩენებმა;
- დ. მუსლიმთა მიერ იერუსალიმის დაკავებამ.

**8. რას მოითხოვდნენ ყუთლუ-არსლანი და მისი დასელები?**

- ა. მათთვის საკანონმდებლო უფლების გადაცემას;
- ბ. სავაზიროს დაშლას და დარბაზის შექმნას;
- გ. „კარავის“ უზენაეს სასამართლო ორგანოდ გამოცხადებას;
- დ. სასულიერო პირთათვის დარბაზის წევრობის ჩამორთმევას.

**9. რომელ ქვეყანაში შეიქმნა „თავისუფლების დიდი ქარტია“?**

- ა. საფრანგეთში;
- ბ. ინგლისში;
- გ. ესპანეთში;
- დ. გერმანიაში.

**10. რაში მდგომარეობდა გიორგი V-ის მიერ ეგვიპტის სულთანთან გაგზავნილი ელჩობის მიზანი?**

- ა. ილხანთა სახელმწიფოს წინააღმდეგ ერთობლივი ბრძოლის დაწყებაში;
- ბ. სინას მთაზე არსებული ქართული მონასტრის აღდგენის ნებართვის მიღებაში;
- გ. იერუსალიმის მონასტრის მუსლიმთა მფლობელობისაგან გამოხსნაში;
- დ. ევროპელ ჯვაროსნებთან მიმდინარე მოლაპარაკებაში მონაწილეობის მიღებაში.

**11. ვის სახელს უკავშირდება XVI საუკუნეში ევროპაში რეფორმაციის დაწყება?**

- ა. მარტინ ლუთერის;
- ბ. იმპერატორ კარლ V-ის;
- გ. პაპ ინოკენტი III-ის;
- დ. ჰენრი VIII-ის.

**12. რა სახელით შევიდა ისტორიაში ჰუგენოტების მასობრივი ხოცვა-ჟლეტა?**

- ა. ბართლომეს ღამე;
- ბ. მწუხარების ღამე;
- გ. ვერსალის ღამე;
- დ. ვალპურგის ღამე.

**13. რომელ სახელმწიფოს ეკუთვნოდნენ ის კოლონიები, რომლებმაც შემდგომში ამერიკის შეერთებული შტატები შექმნეს?**

- ა. პორტუგალიას;
- ბ. ესპანეთს;
- გ. საფრანგეთს;
- დ. ინგლისს.

**14. რა იწვევდა ჩრდილოეთ ამერიკაში მცხოვრები კოლონისტების უკმაყოფილებას?**

- ა. ინგლისის მიერ განხორციელებული საბაჟო და საგადასახადო პოლიტიკა;
- ბ. ინგლისის პარლამენტის არჩევნების დროს განხორციელებული დარღვევები;
- გ. ინგლისის მიერ სხვა ქვეყნებისათვის ჩრდილოეთ ამერიკის პორტების დაკეტვა;
- დ. ინგლისის მეფის მიერ ინდიელთათვის გარკვეული უფლებების მინიჭება.

**15. რუსეთის მეფემ პეტრე I-მა 1700 წელს წამოიწყო შვედეთთან ხანგრძლივი ომი, რომელსაც „ჩრდილოეთის ომი“ ეწოდა. რაში მდგომარეობდა ომის დაწყების მიზანი?**

- ა. ფინეთის დაკავებასა და იქ სამხედრო საზღვაო ბაზის შექმნაში;
- ბ. ბალტიის ზღვაზე გასასვლელის მოპოვებაში;
- გ. პოლონეთ-შვედეთის კოალიციის დაშლაში;
- დ. ნორვეგიის დაპყრობაში.

**16. რომელი ციხე აიღეს აჯანყებულმა პარიზელებმა 1789 წლის 14 ივლისს?**

- ა. ლა-როშელის;
- ბ. იფის;
- გ. ორლეანის;
- დ. ბასტილიის.

17. რომელმა სახელმწიფომ გამოიყენა პირველად საომარი მოქმედებების დროს მომწამვლელი გაზი?

- ა. იტალიამ;
- ბ. გერმანიამ;
- გ. საფრანგეთმა;
- დ. ინგლისმა.

18.



რა პერიოდში შეიძლება გადაეღოთ ეს ფოტო?

- ა. პირველი მსოფლიო ომის დროს
- ბ. ცივი ომის დროს
- გ. მეორე მსოფლიო ომის დროს
- დ. შვიდდღიანი ომის დროს

19. რა იქცა კომუნისტური და კაპიტალისტური სამყაროს გამყოფ სიმბოლოდ II მსოფლიო ომის შემდეგ?

- ა. ბერლინის კედელი;
- ბ. ჩინეთის დიდი კედელი;
- გ. კრემლის კედელი;
- დ. თეთრი სახლის კედელი.

**20. სხვა მიზეზებთან ერთად, რამ გამოიწვია „კარიბის კრიზისი“?**

- ა. აშშ-ს მცდელობამ, თავისი გავლენის ქვეშ მოექცია ლათინური ამერიკის სახელმწიფოები;
- ბ. სსრკ-ს სურვილი, ბირთვული რაკეტები განეთავსებინა კუნძულ კუბაზე;
- გ. სამხრეთ ამერიკის ქვეყნებში დაწყებულმა დეკოლონიზაციის პროცესმა;
- დ. ცენტრალური ამერიკის ქვეყნებში კომუნისტური პარტიების გავლენის ზრდამ.

**პასუხები**

- 1. ა
- 2. დ
- 3. ბ
- 4. დ
- 5. ბ
- 6. დ
- 7. დ
- 8. ა
- 9. ბ
- 10. გ
- 11. ა
- 12. ა
- 13. დ
- 14. ა
- 15. ბ
- 16. დ
- 17. ბ
- 18. გ
- 19. ა
- 20. ბ